

ԲԱՆԿԱՅԻՆ ՀԱՇԻՎՆԵՐ

«ԷՎՈՎԱԲԱՆԿ» ԲԲԸ-ն (այսուհետ՝ Բանկ) ֆիզիկական անձ հաճախորդներին առաջարկում է հետևյալ բանկային հաշիվների տեսակները՝

- Ընթացիկ հաշիվներ,
- Առարկայազուրկ մետաղական հաշիվներ,
- Հատուկ բանկային հաշիվներ:

Ընթացիկ հաշիվների բացում

Այս հաշվի տեսակը նախատեսված է այնպիսի բանկային գործարքների համար, ինչպիսիք են՝ աշխատավարձի ստացումը կամ հաշվին մուտքագրվող այլ եկամուտների տնօրինումը, հաշվին ժամկետային ավանդի տոկոսների մուտքագրումը, վարկային քարտի կամ վարկերի գծով ընթացիկ վճարումների կազմակերպումը և այլն:

Մեզ մոտ հաճախորդների համար բացվում են նաև ՀՀ դրամով պետական աջակցության հաշիվներ, որոնց միջոցով պետական աջակցության ծրագրերում ընդգրկված հաճախորդները կարող են ստանալ իրենց հասանելիք պետական նպաստները և կենսաթոշակները:

Բանկային հաշիվների բացման համար անհրաժեշտ է ներկայացնել հետևյալ փաստաթղթերը՝

- Հաշվի բացման դիմում՝ համաձայն բանկի ձևանմուշի,
- Անձնագիր և սոցիալական քարտ կամ այն չունենալու մասին տեղեկանք, կամ միայն նույնականացման քարտ (Օտարերկրյա անձնագրի դեպքում անհրաժեշտ է ներկայացնել նաև անձնագրի նոտարական թարգմանություն),
- Պետական աջակցության հաշիվների բացման դեպքում տվյալ տեսակի հաշվի բացման համար ՀՀ օրենսդրությամբ պահանջվող փաստաթղթեր,
- Անհրաժեշտության դեպքում Բանկի պահանջով այլ փաստաթղթեր («Փողերի լվացման և ահաբեկչության ֆինանսավորման դեմ պայքարի մասին» ՀՀ օրենքի պահանջներից ելնելով):

Բանկային հաշիվները բացվում են հետևյալ փուլերով՝

- Հաճախորդին հաշվի բացման համար անհրաժեշտ փաստաթղթերի ցանկի ներկայացում և վերջինիս անհրաժեշտ այլ տեղեկատվության պարզաբանում,
- Հաճախորդի կողմից հաշվի բացման համար անհրաժեշտ փաստաթղթերի ներկայացում,
- Բանկի կողմից հաշվի բացման համար անհրաժեշտ փաստաթղթերի ուսումնասիրություն,
- Հաճախորդի հետ հաշվի բացման հայտ-պայմանագրի/պայմանագրի կնքում:

Ընթացիկ հաշիվները բացվում են ինչպես Բանկի գործունեության վայրում, այնպես էլ հեռակառավարման համակարգերի միջոցով:

Պետական աջակցության և երեխայի միանգամյա նպաստի հաշիվը բացվում է երեխայի (հաշվետիրոջ) անունով, երեխայի հետ ՀՀ-ում նույն բնակության վայրի հասցեում հաշվառված օրինական ներկայացուցչի (ծնողի, խնամակալի, որդեգրողի) դիմումի հիման վրա:

Պետական աջակցության և երեխայի միանգամյա նպաստի հաշվետերն իրավունք ունի առանց սահմանափակումների տնօրինելու ընտանեկան դրամազուլիքը՝ 18 տարին լրանալուց հետո, իսկ մինչև հաշվետիրոջ 18 տարին լրանալը, ընտանեկան դրամազուլիքը անկանխիկ վճարումներ կատարելու միջոցով տնօրինվում է ընտանեկան դրամազուլիքը տնօրինելու իրավունք ունեցող անձի կողմից՝ բացառապես ՀՀ օրենսդրությամբ սահմանված ուղղություններով:

Հաճախորդն իրավունք ունի ցանկացած ժամանակ փակել իր բանկային հաշիվը՝ լրացնելով համապատասխան դիմում, որտեղ նշվում են հաշվում առկա դրամական միջոցների մնացորդի նկատմամբ իրականացվող հետագա գործողությունները:

Բանկն իրավունք ունի փակել հաշիվը, եթե Հաճախորդը 6 ամսվա ընթացքում դրանով գործառնություններ չի կատարել և հաշվի մնացորդը գրոյական է: Բանկն իրավունք ունի նաև իր նախաձեռնությամբ փակել Հաճախորդի հաշիվը, եթե վերջինս թույլ է տվել Բանկի ներքին իրավական ակտերի խախտումներ: Այդ դեպքում հաշվում եղած դրամական միջոցների մնացորդը տրվում է Հաճախորդին կամ նրա ցուցումով փոխանցվում է այլ հաշիվ՝ ՀՀ օրենսդրությամբ սահմանված ժամկետներում:

Օտարերկրյա, ոչ ռեզիդենտ քաղաքացիները կարող են հաշիվ բացել, եթե բավարարում են հետևյալ պայմաններից որևէ մեկին՝

- Հանդիսանում են ՀՀ-ում գտնվող անշարժ գույքի սեփականատեր և ունեն անշարժ գույքի նկատմամբ սեփականության իրավունքի գրանցման վկայական,
- Պատրաստ են ներդնել նվազագույնը 6 ամիս ժամկետով և առնվազն 20 000 ԱՄՆ դոլար, 20 000 Եվրո, 1 500 000 ՌԴ ռուբլի և 10 000 000 ՀՀ դրամ գումարի չափով համարժեք ավանդ «ԷՎՈՎԱԲԱՆԿ» ԲԲԸ-ում,
- ՀՀ-ում գրանցված են որպես անհատ ձեռնարկատեր և ունեն ՀՀ Արդարադատության նախարարության իրավաբանական անձանց պետական ռեգիստրի կողմից տրամադրված գրանցման վկայական,
- Հանդիսանում են ՀՀ-ում գրանցված իրավաբանական անձի մասնակից (բաժնետեր) հիմնավորված համապատասխան փաստաթղթերով:

Ընթացիկ հաշիվներով գործառնությունների իրականացում

Ընթացիկ հաշվով դրամարկղային գործառնություններն Բանկն իրականացնում է հաշվի/հաշիվների մնացորդների սահմաններում՝ զանձելով Բանկի սակագներով սահմանված համապատասխան դրույքաչափերով միջնորդավճարներ:

Ընթացիկ հաշիվներին միջոցների մուտքերը և ելքերը կարող են իրականացվել Բանկի գլխամասում կամ մասնաճյուղերում՝ անձի ինքնությունը հաստատող բավարար փաստաթղթեր ներկայացնելու դեպքում: Բանկի մասնաճյուղերի ցանկին կարող եք ծանոթանալ <https://www.evoca.am/hy/branches-and-atms/> հղմամբ:

Կանխիկ միջոցները մուտքագրվում են ընթացիկ հաշիվներին այդ գումարների տրամադրման պահին: Հաճախորդները կարող են կանխիկի մուտք կատարել նաև ֆինանսական գործառնությունների ինքնասպասարկման ավտոմատ սարքերի միջոցով: Բանկային հաշվից կանխիկ ելքագրումը կատարվում է անմիջապես՝ Հաճախորդի պահանջով:

Ընթացիկ հաշիվները կարող են տնօրինվել ինչպես Բանկ այցելելով, այնպես էլ հեռակառավարման համակարգերով: Բանկի կողմից հաշիվների հեռահար սպասարկման կանոններին և կարգին, գործարքների էությունից բխող Բանկի և Հաճախորդի պատասխանատվության սահմաններին և հավաստման ընթացակարգերին կարող եք ծանոթանալ <https://www.evoca.am/hy/digital-services-evocatouch-mobile-banking> հղմամբ, «EvocaTOUCH և EvocaONLINE համակարգերի օգտագործման կանոններ»-ում, ինչպես նաև «Համալիր բանկային ծառայությունների մատուցանման պայմաններ»-ում:

Ընթացիկ հաշիվների վրա հաշվի արժույթից տարբերվող արժույթով գործառնություններ կատարելու դեպքում Բանկի կողմից կիրականացվի արտարժույթի փոխարկում՝ Բանկի կողմից սահմանված համապատասխան փոխարժեքներով: Փոխարժեքները օրական պարբերականությամբ հրապարակվում են Բանկի պաշտոնական կայքի տնային էջում:

Ընթացիկ հաշիվներից փոխանցումներ կատարելու նպատակով հաճախորդները Բանկին կարող են ներկայացնել համապատասխան ձևով լրացված և պատշաճ ստորագրված վճարման հանձնարարականներ:

Ընթացիկ հաշիվներով մինչև ժ. 15:30 ներկայացված վճարման հանձնարարագրերը Բանկի կողմից կատարվում են նույն բանկային օրը, իսկ ժ. 15:30 ից հետո ներկայացված վճարման հանձնարարագրերը Բանկի կողմից կատարվում են հաջորդ բանկային օրը:

«Հ» դրամով փոխանցումների կատարման տևողությունը «Հ» տարածքում կազմում է 1 (մեկ) բանկային օր:

Բանկի կողմից վճարման հանձնարարականի դրոշմակնիքումը հաստատում է այն փաստը, որ վճարման հանձնարարականն ընդունվել է Բանկի կողմից ի կատարման և չի նշանակում, որ արդեն կատարվել է Բանկի կողմից:

Բանկի կողմից ընդունված և դրոշմակնիքված վճարման հանձնարարականի կատարումը կարող է չեղյալ համարվել հաճախորդի հաշվին միջոցների անբավարարության, գումարի ծագման հիմքերի բացակայության և այլ անհամապատասխանություններ ի հայտ գալու դեպքում:

Ընթացիկ հաշիվներով հաշվի արժույթից տարբերվող արժույթով գործառնություն կատարելու դեպքում Բանկն իրականացնում է արժույթի փոխարկում Բանկի կողմից սահմանված սակագներով:

Ընթացիկ հաշիվներին տոկոսների հաշվերումը իրականացվում է եռամսյակային կտրվածքով:

Հաճախորդի բանկային հաշիվը և դրանում եղած դրամական միջոցները տնօրինելու իրավունքները կարող են սահմանափակվել հարկային մարմինների կողմից կայացված որոշումների համաձայն, ինչպես նաև դատական ակտերի հարկադիր կատարումն ապահովող մարմինների կողմից «Հ» օրենսդրությամբ սահմանված կարգով կայացված որոշումների համաձայն:

Հաճախորդը կարող է տեղեկացվել արգելանքի մասին՝ արգելանք կիրառելու որոշումը Բանկի կողմից կատարելուց հետո: Առանց Հաճախորդի կարգադրության Հաճախորդի հաշվից դրամական միջոցների բռնագանձումը կարող է իրականացվել դատական ակտերի հարկադիր կատարումն ապահովող մարմինների կողմից՝ «Հ» օրենսդրությամբ սահմանված կարգով կայացված որոշումների համաձայն: Հաճախորդը կարող է տեղեկացվել իր հաշվից միջոցների բռնագանձման մասին՝ բռնագանձման որոշումը Բանկի կողմից կատարելուց հետո:

Ոչ ռեզիդենտ ֆիզիկական «Օտարերկրյա քաղաքացիների սպասարկման կանոններ

Առարկայազուրկ մետաղական հաշիվներ

Այս հաշիվները նախատեսված են անկանխիկ ոսկով խնայողություններ կատարելու, ինչպես նաև հաճախորդներին պատկանող անկանխիկ ոսկու հաշվառման նպատակով:

Առարկայազուրկ մետաղական հաշիվներով կարող են իրականացվել

- Հաշվի համալրում,
- Հաշվի ելքագրում,
- Փոխանցումներ:

Հաշիվներ բացում ենք ռեզիդենտ և ոչ ռեզիդենտ հաճախորդների համար՝ միայն 999.9 հարգի ոսկով, առանց նվազագույն մնացորդի պահանջի:

Մեզ մոտ կարելի է գնել անկանխիկ ոսկի՝ սկսած 31 գրամից (ոսկու գնանշումը կատարվում է գրամով): Մեր կայքում հրապարակվում են ոսկու գնանշման օրական տվյալները, որոնք փոփոխվում են՝ կախված միջազգային շուկաներում ոսկու գնից:

Հաշիվներում անկանխիկ ոսկին հաշվառում ենք դրամով՝ «Հ» Կենտրոնական բանկի հայտարարած հաշվարկային գնով և կշռային (գրամային) արտահայտությամբ՝ 0.01 գրամ ճշտությամբ կամ տրոյական ունցիաներով՝ 0.001 տրոյական ունցիա ճշտությամբ (մեկ տրոյական ունցիան հավասար է 31.10348 գրամի):

Հեռակառավարման համակարգերով առարկայազուրկ մետաղական հաշիվներ չեն բացվում:

Հատուկ բանկային հաշիվներ

Առաջարկում ենք հետևյալ տեսակի հատուկ բանկային հաշիվներ՝

- Էսքրոու հաշիվներ,
- Կառուցապատողի հատուկ հաշիվ,
- Նոտարի դեպոզիտ հաշիվ,
- Սնանկության հատուկ հաշիվ,
- Անվանատիրոջ հատուկ հաշիվ,
- Քրաուդֆանդինգի հարթակի օպերատորի բանկային հաշիվ,
- Պետական աջակցության հաշիվ

Էսքրոու հաշիվ - Հաշվի այս տեսակը նախատեսված է ապրանքների առք ու վաճառքի գործարքների ապահով իրականացման համար: Այն հանդիսանում է հատուկ բանկային հաշիվ, որը կիրառվում է ապրանքների առք ու վաճառքի գործարքի ժամանակ կողմերի (այն է՝ Գնորդ և Վաճառող) միջև հաշվարկների/վճարումների ապահով իրականացման համար:

Էսքրոու հաշիվներ բացելու համար առուվաճառքի կողմերը (Գնորդը և Վաճառողը) պետք է միասին ներկայանան Բանկի գլխամաս կամ մոտակա մասնաճյուղ և ներկայացնեն գործարքին առնչվող փաստաթղթերը: Այս հաշիվները Բանկի կողմից բացվում են 1 (մեկ) աշխատանքային օրվա ընթացքում գործարքին վերաբերող փաստաթղթերի նախնական ուսումնասիրությունից և գործարքի վերաբերյալ Բանկի նախնական հավանությունը տալուց հետո: Էսքրոու հաշիվներից վճարման հանձնարարագրերով փոխանցումների իրականացում չի թույլատրվում:

Կառուցապատողի հատուկ հաշիվ - Հաշվի այս տեսակը առաջարկվում է կառուցապատողներին: Այս տեսակի հաշիվը նախատեսված է կառուցվող բազմաբնակարան շենքից անշարժ գույք գնելու իրավունքի պայմանագրի շրջանակներում գնորդի կողմից անշարժ գույքի գծով կանխավճարներ մուտքագրելու նպատակով:

Կառուցապատողի հատուկ հաշիվներ կարող են բացել այն կառուցապատողները, որոնք ցանկանում են իրենց կողմից կառուցվող բազմաբնակարան շենքերից բնակարանների գնման իրավունք ձեռք բերած գնորդներից ստանալ և դեպոզիտներ կանխավճարներ: Այս հաշիվները բացվում են միայն Բանկի գործունեության վայրում: Կառուցապատողի հատուկ հաշիվները բացվում են անհրաժեշտ փաստաթղթերը Բանկ ներկայացնելուց և դիմում ներկայացնելուց հետո առավելագույնը մեկ բանկային օրվա ընթացքում:

Նոտարի դեպոզիտ հաշիվ - Նոտարի դեպոզիտ հաշիվը ՀՀ քաղաքացիական օրենսգրքով սահմանված հատուկ նպատակային բանկային հաշիվ է, որի միջոցով նոտարն ընդունում և պահպանում է դրամական միջոցներ՝ ապահովելու պարտավորությունների պատշաճ կատարումը կամ գործարքների անվտանգությունը: Այս հաշիվը բացառապես ծառայում է օրենքով նախատեսված գործառնություններին (օրինակ՝ պարտատիրոջ բացակայության դեպքում պարտքի մարմանը կամ անշարժ գույքի առուվաճառքին), որտեղ բանկը պարտավորվում է կատարել միայն նոտարի կարգադրությունները, իսկ հաշվում առկա միջոցները իրավականորեն տարանջատված են նոտարի անձնական գույքից և պաշտպանված են երրորդ անձանց բռնագանձումներից:

Սնանկության հատուկ հաշիվ - Բանկային հաշվի տեսակ է, որը բացվում է սնանկ ճանաչված պարտապանի անունով՝ սնանկության վարույթի ընթացքում դրամական միջոցների շրջանառությունը կառավարելու համար: Այս հաշվին են մուտքագրվում պարտապանի գույքի վաճառքից ստացված, ինչպես նաև նրա ընթացիկ գործունեությունից գոյացած բոլոր միջոցները՝ հետագայում պարտատերերի պահանջները բավարարելու նպատակով:

Անվանատիրոջ հատուկ հաշիվ - Անվանատիրոջ (ներդրումային ընկերություն, ֆոնդ) անվամբ բացվող հատուկ բանկային հաշիվ, որին կարելի է մուտքագրել միայն ներդրումային ծառայությունների մատուցման կամ ներդրումային ֆոնդերի կառավարման հետ կապված անվանատիրոջ ծառայությունից օգտվողի (ֆոնդի) միջոցները, կատարել հաշվից փոխանցումներ կատարելու, համապատասխան գումարներ տալու և հաշվով այլ գործառնություններ իրականացնելու վերաբերյալ անվանատիրոջ կարգադրությունները: Այս հաշվում ներդրված միջոցները սեփականության իրավունքով չեն պատկանում Անվանագիրոջը, այլ դրանք փոխանցվում են ներդրումային ծառայությունների մատուցման կամ ներդրումային ֆոնդերի կառավարման հետ կապված անվանատիրոջ կողմից ծառայությունների մատուցման կամ կառավարման արդյունքում:

Քրաուդֆանդինգի հարթակի օպերատորի բանկային հաշիվ - հատուկ բանկային հաշիվ է, որտեղ հարթակի (մասնագիտացված ինտերնետային կայքի) օպերատորը հավաքագրում և պահպանում է ներդրողների կողմից փոխանցված դրամական միջոցները՝ մինչև դրանք նախագծի հեղինակին (թողարկողին) փոխանցելը կամ ներդրողներին վերադարձնելը: Այս հաշվի հիմնական իրավական առանձնահատկությունն այն է, որ դրանում առկա միջոցները տարանջատված են օպերատորի սեփական միջոցներից, դրանք սեփականության իրավունքով պատկանում են ներդրողներին, ուստի չեն կարող բռնագանձվել օպերատորի պարտքերի դիմաց կամ ներառվել նրա սնանկության զանգվածում:

Պետական աջակցության հաշիվ - հատուկ բանկային հաշիվ, որին Բանկը մուտքագրում է ընտանեկան դրամագլխի դրամական միջոցները և կատարում հաշվից փոխանցումներ կատարելու, համապատասխան գումարներ տալու և հաշվով այլ գործառնություններ՝ Հայաստանի Հանրապետության կառավարության սահմանած կարգով:

Բանկային հաշիվների համար կիրառվող սակագները ներկայացված են հետևյալ հղմամբ՝ [Սակագներ](#)

Ավանդների երաշխավորվող սահմանաչափերը հետևյալն են՝

Ավանդի արժույթային կառուցվածքը	Եթե նույն բանկում ունեք միայն դրամային ավանդ	Եթե նույն բանկում ունեք միայն արտարժույթային ավանդ	Եթե նույն բանկում ունեք և ՀՀ դրամով, և արտարժույթով ավանդ	
			Եթե դրամային ավանդը 7 միլիոն դրամից ավելի է	Եթե դրամային ավանդը 7 միլիոն դրամից պակաս է
Ավանդի երաշխավորման առավելագույն չափը	16 միլիոն ՀՀ դրամ	7 միլիոն ՀՀ դրամ	16 միլիոն ՀՀ դրամ (երաշխավորվում է միայն դրամային ավանդը)	7 միլիոն ՀՀ դրամ (երաշխավորվում է դրամային ավանդի ամբողջությամբ և

				արտարժույթային ավանդը՝ 7 միլիոն դրամի և հատուցման ենթակա դրամային ավանդի տարբերության չափով)
--	--	--	--	--